



Na.: Sr. R.C.M. Beukenboom
P.m.d. Grifir
Pasanggrahan
Presente

Bo karta fecha: 31 Mei 2016

Nos Nr.: 2016004702

Fecha: 6 Yüni 2016

Tópiko: pregunta miembro KI
R.C.M. Beukenboom

Apresiable Sr. Beukenboom,

Ku hopi atenshon mi a lesa e karta di bo persona dirigí na mi persona fecha 31 di Mei 2016 kaminda ta pidi pa mi duna kontesta bokal riba preguntanan trese dilanti den e próksimo reunion di Konseho Insular. Komo ku e karta ta dirigí na Gezaghheber interino, kual na e momento aki ta mi funshon, pero ku mirando e fecha próksimo di reunion di Konseho Insular lo no ta e kaso mas mi ke trese lo siguiente dilanti.

Mi persona ta opta pa kontesta señor Beukenboom su karta fecha dia 31 Mei 2016 por eskrito pa no laga tempu pasa sin kumpli ku señor Beukenboom su petishon pa trese klaridat den e kaso aki.

1. Sra. Presidente a risibí informashon di kuerpo polisial o ministerio públiko ku dia 30 di Mei último lo tabata tin disturbio, violencia o destrukshon aki na Boneiru? A risibí indikashon fuerte i dígno di otro fuente nan?

Komo gezaghheber, bo ta risibí informashon for di diferente ángulo, lokal i internashonal. Esaki ta enserá tambe di polis i ministerio públiko. Lamentablemente ta trata hopi biaha di informashon ku ta konfidensial i ku ta trata órden públiko i siguridat di nos isla. E tipo di informashon nan aki ta wòrdu trata den sirkulo sera i no por wòrdu hasi públiko na ningun manera. Tratando na kontesta bo pregunta mi por bisa ku lo mi no a tuma ningun akshon si no tabata tin indikashon fuerte i konkreto den e direkshon ku mi a atendé den mi komunikado.

2. Si kontesta riba pregunta number 1 ta afirmativo dikun Presidente no a para e demonstrashon i asina frena e peliger?

E derecho pa manifestá ta un derecho ku kada individuo o agrupashon den nos komunidad tin. Komo gezaghheber mi tin ku tene kuenta mas tantu posibel ku e tipo di derechonan aki. Pues e desishon pa para un manifestashon ta un desishon ku mester wòrdu tuma ku hopi koutela. Ademas di esaki un desishon di para un manifestashon na ningun okashon lo a trese e resultado deseá. Den e kaso aki nos (siendo Gezaghheber, polis i ministerio públiko) a opta pa laga e manifestashon sigui pero pa tuma medidanan di seguridat nesario pa trata na garantisá seguridat di e manifestantenan, pueblo Boneriano i nan pertinensianan.



3. Si kontesta riba pregunta number 1 ta negativo unda sra. Presidente a sali ku e informashon ku a kondusí na e komunikado tendensioso di sra. Presidente? Serka kua instansia a tuma konseho? Dikon a skohe pa un komunikado ku un kontenido polítiko?

Mira kontesta # 1. Mi mester bisa ademas ku e responsabilidadat pa ku órden públiko ta un responsabilidadat ku ta pone riba skoudernan di gezaghebber, mara na lei. (WOLBES artíkulo 174). Den e kaso aki e gezaghebber no a skonde pa asumí su responsabilidadat pa ku e pueblo di Boneiru l a tuma e situashon na serio. Pues un yamada riba konsenshi di pueblo pa nan laga sano huisio vense l keda trankilo, na mi manera di mira esaki, no ta un ekspreshon polítiko l muchu ménos un ekspreshon polítiko partidista. Ta trata di un yamada sano l sinsero na un l tur ku ke e pueblo aki bon.

4. A organisá konferensha di prensa pa atendé ku e situashon? Dikon sra. Presidente a duna entrevista na solamente un planta di televishon? Ta selektivamente ta atendé ku medionan di komunikashon?

Na momentu ku un suidadano òf den e kaso aki un mandatario bai un planta di televishon òf wòrdu entrevista pa un planta di televishon, no ta nifiká outomátikamente ke el a rechasá otro medionan di komunikashon. Esaki sigur no tabata e kaso. Nos no a opta pa organisá un konferensha di prensa pa evitá spekulashon den preguntanan hasi ku si por a wòrdu mira komo instigashon.

5. Sra. Presidente a risibí informashon di kuerpo polisial ku promé, durante o despues di e demonstrashon tabata tin kualke destrukshon o violencia?

No tabatin ningun keho.

6. Si kontesta riba pregunta 5 ta negativo ta kompartí nos opinion ku a lanta spantu i temor innesesario den pueblo?

Spantu l temor ta emoshonnan indeseá. Nos tur ta biba den un pais liber. E manifestashon ku bo persona ta puntra dikon mi no a laga par'è, ta prueba di e libertat ku nos tin. Personalmente mi ta pro e libertatnan ku nos tin l komo gezaghebber parti di mi tarea ta pa promové l respetá e libertatnan aki. E libertatnan aki sinembargo ta kana huntu ku responsabilidadatnan ku nos tur ta karga. Na momentu ku mi a risibí e informashonnan ku mi tin, mi a hasi un yamada riba e sentido di responsabilidadat di kada suidadano. Fomentá spantu l temor no tin nada di haber ku esaki.

7. Sra. Presidente a invitá NKBB eventualmente den presensia di kuerpo polisial pa papia i kita e preokupashon ku aparentemente tabata biba serka bo persona?

Gezaghebber no tin problema ku un diálogo, semper l kuando esaki ta na bienestar di e pueblo di Bonaire. Pero atrobe mester trese dilanti ku mi persona l sigur esaki ta konta pa polis l ministerio públiko, den e situashon aki, no por duna detaye di informashon di e preokupashon ku segun sr. Beukenboom su pregunta aparentemente lo por tabata biba serka mi persona.

Correspondentieadres

Plaza Wilhelmina 1 | Kralendijk, Bonaire C.N.
Tel. (+599) 717-5330 | Fax. (+599) 717-2824
www.bonairegov.com



8. Sra. Presidente ta komparti e realidat ku tur kos a kana na òrdu sin desòrdu?

Mira kontesta # 5. Mi ta kontentu ku no tabata tin daño ireparabel. Mi ta bisa daño ireparabel pasobra aglomerashon grandi di hende demostrando nan malkontentu –no opstante ku esaki ta nan derecho -semper ta laga sikatris atras. Pió ainda den e era moderno ku nos ta biba ku ta wòrdu dominá pa media sosial. Nos ta biba di turismo I kada informashon ku por wòrdu mira komo negativo den bista di turistanan, ta laga sikatris atras.

9. Sra. Presidente ta respetá e derecho sagrado di ekspreshon liber di e pueblo Boneriano?

Mi a splika esaki kaba na diferente okashon den mi kontestanan. E kontesta ta un SI grandi. Ta pa e motibu aki mes a duna kontinuashon na e manifestashon.

10. Sra. Presidente ta dispuesto pa pidi e aktivistanan i e demonstrantenan despensa pa un komunikado inapropia di parti bo persona?

Manera mi a kontesta anteriormente, mi no ta mira ningun daño ku mi por a okashoná na demonstrantenan sigur ku na ningun momento a mensioná nòmber di ningun organisashon den e komunikado. E manifestashon a sigui pasifikamentu, despues di un yamada riba e responsabilidad di kada suidadano di nos isla. Pueblo a kumpli kabalmente ku e petishon. Responsabilidad ta ankra indirektamente den e ideologia demokrátiko. Nos ta biba den un struktura demokrátiko, kaminda un I tur ta gosa di sierto libertat I derechonan. E libertat I derechonan aki sinembargo tin límite ku ta wòrdu travesia na momentu ku nos lubidá riba nos obligashonnan I pèrdè for di bista derecho I libertat di otronan I mas prinsipal ora ku nos travesia e derecho I libertat di e pueblo den su totalidat.

Atentamente

Evelina F. Betancourt – Anthony
Gezaghebber interino / Presidente di Konseho Insular
Entidat Públiko Bonaire

Kopia: K.I, K.E